

Ftan



Ün cordial bainvgnü a Ftan


Ftan es situà sün üna terrassa sulagliva da la vart schnestra da l'Engiadina Bassa. Plü bod gniva cultivà blier gran, il muglin istoric cun ün'età da 400 ons dà amo perdüta da quist fat. L'agricultura es amo adüna importanta, sper la mansteranza, l'hotellaria/gastronomia ed impustüt l'Institut Otalpin. Quel d'eira plü bod ün internat be per mattas, hoz è'l la scoula media per tuot la regiun, e l'internat es avert per mattas e mats.

Il nom Ftan

La derivanza dal nom nun es cuntschainta. Fuormas plü veglias d'eiran p.ex. Vetane, Vettanum oder Vettan. La versiun tudais-cha Fetan d'eira il nom uffical fin dal 1943.



La vopna da l'anterior cumün da Ftan



Descripziun: Cheu d'ün tor cun anè sün ün fuond alb, da tuottas duos varts üna staila cotschna cun 6 razs.

Motivaziun: Duri Champell (ca. 1510 fin ca. 1582), cronist da l'Engiadina Bassa, ha scrit cha'ls da Ftan sajan adüna pronts da's defender e chi vegnan nomnats perquai "ils muois da Ftan". Il motiv principal da la vopna as referischa a quist nom. Las stailas cotschnas dessan impedir cha la vopna vegna sbagliada cun quella dal chantun Uri.

Culuors cumünalas: nair-alb-cotschen.

Cifras e fats sur dad Ftan

Parts da la fracziun

Ftan Grond
Ftan Pitschen
Baraigla

Surfatschas

Surfatscha totala	4'312 ha
Terrain agricul	38.8%
God e frus-chaglia	16.0%
Terrain abità	1.35%
Surfatschas improductivas	43.9%

Otezzas sur mar

Cumün	1'648 m
Punct il plü ot (Piz Blaisch Lunga)	3'230 m
Punct il plü bass (En, sboccadüra Aua da Corgnanca)	1'200 m

Populaziun

Abitants	495
Persunas cun dret da vuschar	372

Linguas

Rumantsch	62.8%
Tudais-ch	34.1%
Otras linguas	3.0%

Las pertschientualas as referischan a la lingua principala. Tuot ils Rumantschs san duos o plüssas linguas.

Confessiuns

Evangelic-refuormà	60%
Catolic-roman	11.9%
Otras religiuns e persunas sainza confessiun	28.1%

Economia publica

Persunas ocupadas tenor sectuors

1. Agricultura e silvicultura	13.8%
2. Industria e mansteranza producenta	12.3%
3. Servezzans	73.8%
